

靈寶領教濟度金書卷之二十五二十六

明教高士關光教善具人寶金具授
靈寶通玄教水南先生林靈真編

科儀立成品關度通用
九厄燈儀

步虛 涵澤

具位 具謹焚香遙瞻供奉

太上无極大道三清上聖十極高真九天生神營單无量天帝九天生神上上擇善无量壽天帝九天生神梵監須延天帝九天生神寂然梵術天帝九天生神波羅尼悉不驕樂天帝九天生神洞元化應聲天帝九天生神靈化梵輔天帝九天生神高虛清明天帝九天生神无想无結无憂天帝九天生神司真君玄虛應感一切威靈恭望洪慈俯垂青錄伏以道冠虛无三寶徹天根之妙氣恢空洞九霄救聖輪之玄拱費靡而統御乾包朝單而彌綸坤墨琅瓊韻凝萬神於生門混混內音提群靈於死戶金簡耀黃埃之且玉符開黑絕之春梵氣扶搖運九陽之溟滓靈光

煥爛華八景以鴻濛翁張經緯之機闡顯幽之會元功不宰聖化難名今有齋主其崇建某齋闡度亡故某人切慮陰翳久淪陽靈易昧紫蒼赤青綠黃白紫碧黑之生氣天谷紛飛凝胞胎塊魄臟腑窳景神之命元地輪

披散非返真而攝聚為冥景以超凌是以燈列九厄科邊三洞寶章敷落降陽耀於雲層玉象徘徊散陰氣於風澤俾脫冥茫之境還登家廓之都芝炬榮煌上接玉虛之輝燦蘭缸輝燁下通金粟之重重月窟虛徐雲鋪瞻需振步虛於八素流梵唱於十華稽首皈依无極大道

九天生神天帝
旋行至東灶方

伏以太霄御極浮黎域拱於始青混氣凝精長樂舍開於空碧統旋斗歷箕之度應備輪召運之期萬物始終賓帝闢而布惠群精隱見開鬼路以宣威上鎮陳維下司良域今有齋主某人謹然東北危神燈布帝真胞命元元一黃演之氣宣告玉光寶符下開鏡陽地

獄為亡故某人溥及幽冥寬親平等息毒彼炎火之苦登長樂周而之鄉伏願開陽流光胞元返本精神運氣超九地以道遠枯朽發烟攝六天而震伏更生福慶長樂太平謹誦營單无量天生神章

混合空洞氣 飛奏浮幽家 延康无期劫 眇眇離本條 苦魂沈九夜 乘晨希陽翹 大有通玄戶 營單降晨霄 黃雲凝靈府 陰陽氣象交 胞元結長命 惡根應化消 批康合精延 二帝希玉飄 灌溉胞命門 精練神不彫 九天命靈章 生神神自起 元君過死路 司馬誦洞謠 一唱萬真和 九遍諸天朝 稽首恭劫年 慶此榮舊苗

九天生神天帝
旋行至東方

伏以青霄御極端始若於華林洞氣凝精羅開明於翠闕扶桑耀熒輪之且芳霽騰龍紀之春箕主七辰拱紫微而布政木交九氣乘青德以施仁上震火維下司地域今有齋主某人謹然東危神燈布帝真胞命元洞冥紫戶之氣宣告玉光寶符下開風雷地獄為亡

故某人薄及幽冥究親平等息飛戈飄戟之
苦登華林惠晴之鄉伏願陽明流光胎元返
本玉輪輝煥開九府以回靈明蓋空浮應八
門而度品森衛水離福舍更生謹誦上上禱
善无量壽天生神寶章

无量結紫戶 氣尊天中王 開度飛玄奏
變化輪空洞 故投離苦愛 緣本思舊宗
幽夜淪遐劫 對盡大運通 帝真始明精
號曰字元陽 櫻兒史伯元 結胎守黃房
斬根斷死戶 熙順養嬰童 禪善導靈氣
玄哺飛天芳 華景秀玉質 精鍊自成容
務玄育生上 羅列備明堂 太虛感靈會
命我生神章 一唱動九玄 二誦天地通
混合自相和 九過成人功 大聖慶元吉
散華禮太空 諸天並歡悅 一切稽首恭

旅行至東南方

伏以碧霄御極回九梵於始丹浩氣凝精翊
三華於太赤在碧霞妙巖之界有好生度命
之尊址拱太微儼天闕而推籥東懸溟渤俯
地軸以張機化赫風雷經輝角軫今有齋主

某人謹然東南危神燈布帝真魂命元長靈
明仙之氣宣告玉光寶符下開銅柱地獄為
亡故某人薄及幽冥究親平等息履相攀火
之苦登福田用賢之鄉伏願始陽流光魂元
返本神光流演煥八極以飛仙祖氣彌羅廓
九幽而羅對凝神玉館高步瓊林謹誦梵監
須延天生神寶章

須延總三雲 玄元始氣分 落落大梵布
華景翠玉壽 明梵飛玄景 開度長夜魂
遊奕赴期歸 氣氣返故根 大帝號陽堂
宇曰八靈君 九開綠回道 胎氣生上元
陵梵度命籍 太乙輔精廷 泥丸敷帝席
三部八景分 魂生攝運氣 九轉自成仙
珠琅九天音 玉章生萬神 三過列正位
氣參八辰門 玄關過死戶 靈鎮津陵源
應會感靈數 明道潛回輪 慶此嬰兒蛻
稽首讚詞文

旅行至南方

伏以丹霄御極煥流火於朱陵是氣凝精耀
炎輝於紫闕究利鎮南闕之境重明統端化

之郊龍領軒轅乘玄圖而佐政鴉行網紀乘
焚感以和恩照耀十華長養萬物今有齋主
某人謹然南危神燈布帝真魂命元矜尸冥
演由之氣宣告玉光寶符下開火翳地獄為
亡故某人薄及幽冥究親平等息吞火服炭
之苦登景賢梵天之鄉伏願太陽開光魄元
返本疾除罪簿刊仙簡以書勳落滅惡根登
神庭而受鍊永銷陰翳高挹陽華謹誦寂然
梵術天生神寶章

寂然无色宗 梵術抗大羅 靈化四景分
萬條翠朱霞 遊魄不顧返 一遊洞群魔
神公攝遊氣 飄飄練素華 榮秀播劫期
乘運應靈圖 空洞生神章 瓊音逸九霞
一唱萬真會 騫奕合成家 九轉景靈備
營營曜玉葩 梵術開大有 一慶享祚多
上聖回帝駕 嬰兒啟以歌 不勝良晨會
一切稽首和

旅行至西南方

伏以景霄御極抱始素於月庭景氣凝和煥
流金於地戶當歷井捫參之分馮飛網躡紀

107 A 4 2-5

之名帝號太靈運慈悲而度命鄉臨仁靜回
肅殺以成人下鎮黃輿上承玄蓋今齋主
人謹然西南厄神燈布帝真臚臚命元五仙
中靈之氣宣告玉光寶符下開屠割之獄為
亡故某人薄及幽冥究親平等息鋒利刃

之昔登輝真善救之鄉伏願上陽流光藏元
返本北鄴烟滅素慧燭以升神東井波澄超
昏衢而鏡質黑編落字丹簡刊名謹誦波羅
尼密不驕樂天生神寶章

翩翩五帝駕 飄飄玄上門 遊步黃華野
回靈騷樂端 採集飛空景 舊藥多不存
太微回黃旗 無英命靈幡 攝召長夜府
開度受生魂 公子輔黃寧 總錄具形神
玉章洞幽虛 五轉天地分 氣鍊元臚臚
紫戶自生仙 數周衆真會 啓陽應感繁

玉女灌五香 聖母慶萬年 三界並歡樂
稽首禮天尊

旋行至西方

伏以玉霄御極峙鬱察於浮羅遯氣凝華托
浩靈於太素玉闕耀飛龍之駕金門揚神鳳

之播今主辱收流少陰而育物帝尊太妙司
西極以施仁天御七華地成萬寶今有齋主
其人謹然西厄神燈布帝真靈府命元高真
冲融之氣宣告玉光寶符下開金剛之獄為
亡故某人薄及幽冥究親平等息金槌鐵杖

之昔登金光利益之鄉伏願元陽開光靈元
返本升玉虛境等萬劫以超凌辭金剛山超
三途而開泰迄無輪轉永契真常謹誦洞元
化應聲天生神寶章

應聲無色界 霄映冠十方 回化輪無影
冥期趣道場 靈駕不待燃 朗然生神章
空洞諒无崖 玄爽亦為經 練胎返本初
長乘飛玄果 斯畜喪天真 散思候履常
斬伐胞樹滯 心遊超上京 願會既玄玄
悟我理兼忘 介福九天端 交禮地辰良

混化歸元一 高結元始王 稽首傳靈運
長謝貴塵張

旋行至西北方

伏以瓊霄御極敷象關於始玄融氣凝精異
虎闕於碧落御九重高澄之界俯八圓蒼莽

之區奎壁雙星拱清微而贊化璇璣七政布
紫極以承符下總神鄉旁司鬼域今有齋主
其人謹然西北厄神燈布帝真元府命元高
仙洞笈之氣宣告玉光寶符下開火車之獄
為亡故某人薄及幽冥究親平等息火輪風

刃之昔登真仙妙道之鄉伏願正陽開光靈
元返本升不死界快步武以登真度受生魂
鍊形神而入妙保天元極與道合真謹誦靈
化梵輔天生神寶章

玄會統无涯 混氣歸梵輔 務猷運靈化
潛推无寒暑 乘數構貞條 振袂拂輕羽
瓊房有妙韻 汎登高神所 圓輪無停映
真仙參列序 上上霄衢逸 洞元深萬巨
秀葉翳翠霞 停陰清冷渚 邀翫怡五神
繁想甯明侶 五難緣理去 冲心自怡處

奕魂隨本根 壺壺空中佇 七誦重關開
豁滯非神武 運通由中發 高唱稽首舉

旋行至北方

伏以紫霄御極崇光風於太玄炎氣凝精尊
黑靈於北朔清靜冠鬱單之界玄冥臨幽野

之都俯制羅鄴演元網而布惠仰昭閭闔提
陰境以施仁坎鎮陰郊蓬司朽位今有齋主
其人謹然杜危神燈布帝真華府命元真靈
化凝之氣宣告玉光寶符下開溟冷之獄為
亡故其人溥及幽冥寬親平等息冰載霜刃
之苦登真靈救度之鄉伏願通陽開光景元
返本檢十官而度品金馬驛程擲六洞以飛
仙玄龍躍迅長居道域永為種民謹誦高虛
清明天生神寶章

清明重霄上 合期慶雲際 玉章散冲心
孤景要靈會 煥落景霞布 神矜靡不邁
玉條流逸響 從容虛妙話 靈音振空洞
九玄離幽裔 感爽無凝滯 去留如解帶
明識生神章 高遊無終敗 玄景曜雲衢
跡起神方外 應感無方圓 聊以運四大
研心稽首誦 眾聖共稱快

修行至中央
伏以神霄御極冠大梵於綠羅演氣凝精流
元網於紫極托圓蓋无色之頂統乾輪玄紀
之巔金闕玉房耀靈光而洞朗瓊林瑤圃拱

毫相以端凝五億攸宗三千共仰今有齋主
其人謹然中危神燈布帝真岳府命元自然
玄照之氣宣告玉光寶符下開普拯之獄為
亡過其人溥及幽冥寬親平等息刀山劍樹
之苦登玄都淨土之鄉伏願萌陽開光神元
返本全善妙有救帝所以送迎玉匱宣輝檢
鬼管而部衛惡根永謝善性回元謹誦无想
无結无愛天生神寶章

无結无愛天生神寶章
數來亦巨乘 誰云无色平 我我多丘陵
冥心縱一往 高期清神微 良遇非年歲
劫數安可稱 浮奕緣故條 返胎自有恒
靈感洞太虛 飛步霄上冰 津趣鼓萬流
潛疑真神登 无愛固无憂 高觀稽首昇
伏以百千萬重氣渾淪而包地三十六數形
磅礴以承天高澄羅朗耀之輝凝濁結幽寥
之逸故金樓玉室生神妙稟於陽靈鐵壘銅
闕死氣潛沈於幽翳期提死蒂俾復生根宣
籍玄虛鬱勃之輝庶超澤壘冥濛之垢今則
歌揚玉範燈耀金葩十華流演於玄網三極

彌羅於梵氣圓方壽域幽顯福庭伏願亡故
其萬氣返還百神混合回骸起死轉地輪而
壯鬱削名監真度生乘天輻而南丹紀宇嘯
朗九靈之府旋行七寶之臺永被宸恩常遊
聖境寒庭夜壑均照燭於晨曦昧谷幽都悉
吹噓於暖律百昌茂育庶類權愉為如上緣
志心稱念

九天生神天帝
燈光普照天尊 和不可思議功德
靈寶領教濟度金書卷之二十五

靈寶領教濟度金書 卷之二十五